

**Zeitschrift:** Annalas da la Societad Retorumantscha  
**Band:** 87 (1974)

**Nachruf:** Conradin Mohr : 10 avuost 1910 - 12 gün 1973  
**Autor:** Badraun, Christian / Mohr, Conradin

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 06.10.2024

**ETH-Bibliothek Zürich, E-Periodica, <https://www.e-periodica.ch>**

## Conradin Mohr

10 avuost 1910—12 gün 1973

da Christian Badraun

«L'umaun propuona,  
ma Dieu dispuona»

Quista vardet cun sieu sen profuond as verificchet l'an passò eir i'l destin da nos amih Conradin Mohr-Nolfi e sia famiglia chi stavian daspö l'an 1958 illa citedina bernaisa da Burgdorf. El as rechatava strusch avaunt il termin da gnir pensiuno e quintaiva da retur-ner in patria grischuna per quista sted. Ma la sort tschunchet dandetta- maing sia vita ils 12 gün 1973, ed uossa reposa el sül sunteri da quel lö, e na scu giavüscho in la terra da sieu pajais da naschentscha.

Zieva ün bella giuventüna a Scuol, inua ch'el frequentet eir las scoulas, as prepalet el a la Scoula chantunela da Cuoiras per il stüdi a la Scoula politecnica da Turich, ch'el glivret l'an 1933 cul diplom d'indschegner da fabrica. Adonta da la crisa economica da quella vouta cun sia granda surabundaunza da glied da mister e scolaziun tecnica al reuschit que da gnir tiers tar la Viafier retica, il prüm scu assistent, alura scu indschegner da la secziun Engiadina e l'an 1952 scu indschegner superieur. L'an 1958 as spordschet per el l'ocasiun da surpiglier la direcziun da la Viafier Burgdorf—Emmental—Thun e da quatter otras viasfier privatas plü pitschnas i'l vast territori per part prealpin traunter il lej da Thun ed il Weissenstein sper Solothurn. In quista incumbenza da directur da viasfier quintaiva in prüma lingia la granda respunsabilted per la sgürezza da l'intrapraisa. Ma i'ls ultims decennis predominaivan eir auncha oters problems spinus: la modernisaziun dal materiel e da l'apparatura tecnica seguond il progress dal temp ed ils pissers per la rendita da las viasfier, suotapostas fermamaing a la concorrenza dals veiculs a motor ed a l'incherimaint excessiv dals cuosts da gestiun.



A Conradin Mohr füt que do da superer quistas difficulteds sainza grand'agitaziun. Sieu fer e dispuoner tranquil, ma exact e bain pondero e sia bainvuglientscha e fraunchezza il rendaivan bainvis tar las instanzas superiuras scu tar il persunel da servezzan. El füt eir clamò dal Cussagl federel a fer part da diversas cumischiuns da viafier ed otras associaziuns svizras da transport importantas. Que eiran suvenz incumbenzas dret stantusas. I'l servezzan militer eira el fin aunz la seguonda guerra mundiela uffizchel dals mitragliers i'l battagliaun 93, stuvet però müder in seguit scu uffizchel da viafier i'l stedi magiur da nossa brigada da muntagna 12.

Per distracziuns persunelas ed otras occupaziuns chi l'interessaiavan nun al restaiva cun que pü bger temp. Tuottüna as dedic'net el eir a la politica a Cuaira, inua el fet part per 3 periodas al Cussagl da cited. Eir tar la secziun grischuna da la Societed svizra d'architects ed indschegnars giodaiva el granda stima scu commember e zieva per divers ans scu verso parsura. Ouravaunt al staiva però a cour la cultura rumantscha. I'l cuors da sieu temp a Cuaira fet el part per üna deschinadad ans a la suprastanza da la Societed retorumauntscha, inua ch'el cun buns amihs as occupaiva culs problems servind al sustegn ed al mantegniment da sia favella materna periclitada. Ün ingrazchamaint per tuot que ch'el ho presto in quel lö al pertuocha perque scu cumgio eir illas Annalas.

Cun sia patria grischuna, illa quèla la famiglia revgniva suvenz, speciemaing illa chesa Nolfi a Sa. Maria in Val Müstair, il colliava auncha ün oter liam: la funiculera da Diavolezza. Da prüm innò fet el part al cussagl administrativ da quella, i'ls ultima ans eir scu parsura. Que füss bain steda üna mischiun prediletta per el, da pudair as dedicher cun tuotta peida a quist'intrapraisa zieva sieu retuorn in patria, vis ch'el eira l'hom per ster avaunt a quella. Ma melavita eira decis otramaing, darcho ans trand adimmaint cha noss giavüschamaints nu sun eir la volunted dal patrun sur tuotta vita.

